



## **Clypevs Theologiæ Thomisticæ**

Continens Tractatus de erroribus Pelagianorum, de Gratia, de  
Iustificatione & Merito, de Virtutibus Theologicis, & quatuor Cardinalibus,  
ac de ineffabili mysterio Incarnationis

**Gonet, Jean-Baptiste**

**Parisiis, 1669**

§. IV. Alia difficultas resolvitur, & tertia sententia ut probabilior eligitur,

---

[urn:nbn:de:hbz:466:1-77342](#)

*non iamen secundum idem medium, sed secundum diversa. & idcirco possunt esse simul : Sed etiam fidis & scientia per diversa media procedunt : Ergo non obstante obscuritate fidei, & evidentiâ scientiæ, possunt simul in eodem intellectu existere.*

171. *Quarto : Habitus fidei potest stare cum lumine gloriae : Ergo & cum habitu clarae scientiae. Consequentia patet ex paritate rationis. Antecedens probatur : Paulus in raptu vidit Deum, & tamen in eo mansit habitus fidei, ut dicemus paragrapto sequenti : Ergo actus fidei potest stare cum clarae Dei visione, subindeque cum lumine gloriae, sine quo clarae Dei visione esse nequit.*

172. *Ad primum respondeo, concessa Majori, negando Minorem. Et ad probationem ei subjunctionem dico, quod licet fides sit lumen intellectus, eo ipso tamen quod admixta habeat obscuritatem, non comparatur ad scientiam, sicut lumen parvum candelæ ad magnum lumen Solis, sed sicut lux adumbrata, seu admixta tenebris, ad lucem puram, & omnis obscuritatis expertem.*

173. *Ad secundum nego etiam Minorem : quamvis enim habitus scientiæ & habitus fidei, opponantur inter se contrariæ, habent tamen præterea inter se oppositionem privativam ; quatenus nimis fides est essentialiter inclinatio ad assensum obscurum, sive invidenter, scientia vero inclinatio ad assensum clarum & evidenter.*

174. *Ad tertium nego Majorem. Ad cuius probationem respondent Carmelites Complutenses in Logica disp. 10. quæst. 4. D. Thomam mutasse sententiam in Summa : Nam hinc art. 5. sibi quartu[m] loco idem argumentum opponit, quod sibi objecerat in tertio libro sententiarum, nimisrum : Opinio plus distat à scientia quam fides, cum fides dicatur esse media inter opinionem & scientiam : Sed opinio & scientia possunt esse de eodem : Ergo etiam fides & scientia. Cui respondet, quod de eodem secundum idem non potest esse simul in uno homine scientia, nec cum opinione, nec cum fidei. Idem docet quæst. 14. de verit. art. 9. ad 6. ubi ait : Non videtur esse possibile, quod aliquis de eodem habeat scientiam & opinionem ; quia opinio est cum formidine alterius partis, quam formidinem scientia excludit : & similiter non est possibile quod sit de eodem fides & scientia.*

175. *Existimo tamen non esse necesse ad hanc solutionem recurrere : potest enim responderi cum Joanne à S. Thoma hic disp. 2. art. 1. quod cum S. Doctor in 3. libro sententiarum docet quod opinio & scientia possunt esse simul, non loquitur de opinione adæquatè sumpta, sed de illa ut inadæquatè sumitur, & prout sub ratione praecisa probabilitatis, quam importat ex parte medij, consideratur. Itaque in opinione sunt tria, nimirum formido, seu incertitudo, obscuritas, seu invidenteria, & probabilitas ex parte medij seu rationis cui innititur, quæ licet propter suam imperfectionem non convincat intellectum, ipsum tamen aliqualiter movet, suadet, & inclinat : ratione primi & secundi opinio scientiæ opponitur, & cum ea in eodem intellectu stare nequit ; non vero ratione tertij, quia medium probabile & demonstrativum non repugnat ex parte subjecti. Unde paragrapto præcedenti dicebamus, quod potest quis eandem conclusionem per medium demonstrativum, & per medium probabile attingere, eique primari & principaliter, propter medium necessarium assentire, & minus principaliter ac secundari, propter aliqujus personæ*

*Tom. IV.*

A *dicentis authoritatem : Quia ille qui cognoscit causam, ex hoc magis potest cognoscere signa probabilitatis, ex quibus procedit dialeticus syllogismus, ut inquit S. Doctor 3. parte quæst. 9. art. 3. ad 2.*

B *Ad quartum nego Antecedens. Ad ejus probationem dico lumen gloriae collatum D. Paulo in raptu, non fuisse in eo per modum habitus, sed solum per modum passionis transeuntis, sicut lumen quod infunditur Prophetis, dum futura ipsis revealantur, ut docet Divus Thomas in fratre quæst. 175. art. 3. ad 2. his verbis : Divina essentia videri ab intellectu creato non potest, nisi per lumen gloriae, de qua dicitur Psal. 35. In lumine tuo videbimus lumen. Quod tamen dupliciter participari potest : uno modo per modum forma immaterialis, & sic beatos facit sanctos in patria : alio modo per modum cujusdam passionis transeuntis, sicut dictum est de lumine prophetie ; & hoc modo lumen illud fuit in Paulo, quando raptus fuit.*

§. IV.

*Alia difficultas resolvitur, & tertia sententia ut probabilior eligitur.*

D *Ico secundo : Habitus fidei stare potest cum actu scientiæ evidenter, seu clarae Dei visione, per modum transeuntis communicata.*

C *Probatur primo ex D. Thoma in fratre quæst. 175. art. 3. ad 3. ubi cum sibi objecisset, D. Paulum in suo raptu habuisse fidem, & consequenter non vidisse essentiam divinam, responderet : Ad tertium dicendum, quod quia Paulus in raptu non fuit beatus habitualiter, sed solum habuit actum beatorum, consequens est, ut simul tunc in eo non fuerit actus fidei, fuit tamen simul fidei in eo habitus : Ergo ex sententia D. Thomæ habitus fidei potest esse cum actu visionis.*

D *Respondebat Capreolus, D. Thomam docere quidem, quod Paulus in raptu haberet fidei habitum, sed non circa easdem veritates, quas vidit in essentia divina : licet enim (inquit) in illo raptu viderit essentiam divinam, in ea tamen non vidit omnes articulos fidei, nec omnia divina mysteria, praesertim ea quæ Deo liberè competunt, & quæ mysteria gratiæ appellantur ; & ita mansit in eo habitus fidei respectu articulorum, seu mysteriorum quæ non vidit, non vero respectu eorum quæ vidit, nisi in præparatione animi. Eandem interpretationem tradit Cajetanus in commentario illius loci, eique favere videtur S. Doctor quæst. 13. de verit. art. 5. ad 5. & 6. ubi docere videtur, quod Paulus in raptu non vidit in essentia divina omnia mysteria, sed tantum aliqua.*

E *Sed contra primò, si hoc tantum voluisse Sanctus Thomas, malè distinxisset inter habitum & actum fidei, nec dixisset quod licet in D. Paulo non fuerit tunc actus fidei, benè tamen ejus habitus : malè, inquam, distinxisset inter habitum & actum fidei, cum constet simul posse esse habitum fidei, & habitum scientiæ clarae & evidenter, circa diversa objecta, ut patet in Philosopho Christiano, qui claram & evidentem scientiam habet de unitate Dei, & fidem de Trinitate Personarum divinarum.*

F *Secundò : Ideo Paulus, secundum D. Thomam, elevatus est ad visionem Dei, quia futurus erat Gentium magister, & doctor mysteriorum gratiæ, ut haberet plenius magisterium circa ea quæ docturus & prædicatur erat : Ergo in essentia*

*Ff ij*

divina non solum vidit mysteria quae sunt necesse in Deo, putat unitatem Personarum, & divina attributa, sed etiam illa quae ab ipso liberè procedunt, ut Incarnationem, Eucharistiam, Resurrectionem mortuorum, & similia, quae mysteria gratiae appellantur; alias frustra vidisset Deum, ex fine hujus magisterij. Nec oppositum asserit Divus Thomas quæst. 13. de verit. art. 5. ad 5. sed potius ibi docet quod raptus est, ut videret, & esset tellis gloria Sanctorum, & mysteriorum Dei; & solum ibi asserit, quod non vidit, nec cognovit, an esset in corpore, vel extra corpus, & alia quae pertinent ad statum beatorum, maximè post resurrectionem, quæ modò non cadunt sub fide explicita.

180. *Contra tertio: Fide circa Deum, & ea qua necessarij ipsi convenient, exclusa, non potest remanere circa alia objecta materialia & secundaria; nam ex una parte fides specificatur à Deo, tanquam ab objecto formaliter quod; ex alia vero, sublatu eo à quo habitus speciem sumit, necessitate est habitum ipsum auferri: Ergo vel D. Paulus in suo raptu retinuit fidem habitualem, etiam circa Deum, & omnia qua necessarij ei convenient, vel etiam circa alia objecta, quæ sunt tantum materialia & secundaria, eam amissit, subindeque nulla est distinctio & interpretatio à Capitulo tradita.*

181. *Dices, Etsi Paulus in raptu viderit Deum, ut est objectum primarium fidei, ac proinde de Deo in se non retinuerit fidem; ipsum tamen non vidisse, ut erat ratio continendi plura mysteria gratiae, & sic circa illa potuisse retinere fidem habitualem.*

*Sed contra: Etsi Christus non frueretur Deo in via, secundum quod erat ratio beatificandi corpus, non tamen in eo fuit actus vel habitus spei Theologice; eo quod possessa ratione primaria, non relinquebat locus spei circa objectum secundarium, etiam attingendo objectum primarium, non quidem in se, sed ut rationem communicandi gloriam corporis: Ergo similiter, si Paulus in raptu non potuit retinere fidem habitualem circa Deum, & ea qua necessarij ipsi competunt, non potuit etiam eam habere circa ipsum, ut erat ratio continendi plura mysteria gratiae; cum talia mysteria non minus pertineant ad objectum materiale & secundarium fidei, quam gloria corporis spectat ad objectum secundarium spei.*

182. *Probatur secundò conclusio ratione fundamentali. Inter habitum & actum non est formalis oppositio, sed effectiva, vel dispositiva, quatenus actus disponit ad habitum oppositum, vel quatenus habitus producit actum, qui alteri actu opponitur formaliter; inter se tamen actus & habitus non opponuntur, habitus enim solum dicit inclinationem ad aliquid, actus vero actualem tendentiam ad illud, bene autem stat cum inclinazione ad unum tendentiam ad oppositum; sicut lapis, stante gravitate qua inclinat ad centrum, potest tendere sursum per impulsum violentum; & habens habitum mansuetudinis in actu iræ prorumpere: Ergo sicut habitus virtutis, & actus virtutum, possunt simul esse in eodem subiecto, & circa idem objectum, ut docent communiter Theologi, & quotidiana confirmat experientia, ita & habitus fidei, & actus scientie.*

183. *Dices: Inter actu virtutum, & actu scientie, hoc reperi discriben, quod unicus actus virtutum non producit habitum virtuosum; per unicum vero*

A *actum scientie, qui est demonstratio, producitur habitus scientie.*

*Sed contra: Licet haec disparitas efficiat quod habitus fidei non sit naturaliter compossibilis cum actu scientie evidenti in eodem intellectu, circa idem objectum; quia nimis talis actus, consiliens in demonstratione, est naturaliter productivus habitus scientie evidenti, incompossibilis omnino cum habitu fidei; cum hoc tamen stat, supernaturaliter, sive miraculo fieri posse, quod habitus scientie ex illo actu scientifico non resultet, subindeque & quod habitum fidei compatiatur secum.*

Tertiò suaderi potest conclusio alia ratione, quam insinuat S. Thomas loco in prima probatione relato. Formæ contrarie tunc solum se invicem expellunt, quando sunt in statu perfecto & permanenti, non vero quando sunt in statu imperfecto, & in subiecto solum in esse viali, & per modum transiuntur existunt: sicut patet in accidentibus spirituali, cui quamvis repugnat subiecti permanenter in re corpore, potest tamen transiuntem recipi in ea, ut de virtute productiva gratiae, respectu sacramentorum, docet expressè D. Thomas 3. parte quæst. 62. art. 4. Sed per absolutam Dei potentiam actus visionis beatificæ potest esse in aliquo, solum per modum transiuntur, & in esse viali & imperfecto, ut de lumine gloriae, quod fuit datum Paulo, quando vidit in raptu divinam essentiam, docet idem S. Doctor, infra quæst. 175. artic. 3. ad 2. & super cap. 12. Epist. 2. ad Corinth. lecit. 1. ubi hac scribit: *Viso Dei per essentiam fit per lumen aliquod, scilicet per lumen gloriae, de quo dicitur in Psalmis, in lumine tuo videbimus lumen. Sed aliud lumen communicatur alicui per modum passionis, alicui vero per modum forma inherenti: sicut lumen Solis invenitur in carbunculo, & in stellis, ut forma inherens, id est connaturalis effecta, sed in aere invenitur ut forma transiens, & non permanentis, quia transit aequente Sole. Similiter & lumen gloriae duplicitate menti infunditur: uno modo per modum forme connaturalis facta & permanentis, & sic facit mentem simpliciter beatam. . . . Alio modo contingit lumen gloriae mentem humanam, sicut quadam passio transiens, & sic mens Pauli fuit in raptu lumine gloriae illustrata; unde etiam ipsum nomen raptus ostendit, transiendo hoc esse factum. Ergo supernaturaliter, sive miraculo fieri potest, quod habitus fidei simul stet cum clara Dei visione, sive quod visio clara Dei habitum fidei ab eodem subiecto non expellat. Et hanc rationem, ut dixi, insinuat S. Thomas his verbis, in prima probatione adductis: *Quia Paulus in raptu non fuit beatus habitualiter, sed solum habuit actuum beatorum, consequens est, ut simul tunc in eo non fuerit actus fidei: fuit tamen simul in eo fidei habitus.**

E *Ex quo intelliges, quod si daretur aliqua demonstratio, quæ non permanenter, sed tantum per modum transiuntur afficeret intellectum, non evacuaret habitum fidei, vel opinionis; quia tunc non generaret habitum scientie, cum habitu fidei & opinionis incompossibilem: sicut lumen illud gloriae, quod fuit datum Paulo, quando vidit in raptu divinam essentiam, habitum fidei non exclusit, sed duxit ipsum ligavit, & impedivit ne tunc in actu prorumperet, quia non fuit datum per modum habitus, sed solum per modum coruscationis transiuntis, ut de lumine prophetæ docet S. Thomas infra quæst. 171. art. 2.*

185. Dices cum Durando in 3. dist. 31. quest. 2. incompossibilitatem non facit longitudo temporis, sed natura oppositionis: Ergo si habitus fidei, & actus visionis, non possint permanenter esse simul, ratione oppositionis quam habent inter se, nec poterunt etiam transeunter simul existere.

186. Respondeo cum Cajetano, quod incompossibilitas consurgit quidem ex natura oppositionis, sed aliquando oppositio inter aliqua non est in actu exercito, nisi illa sint in statu completo & permanenti, subindeque interdum necessaria est permanentia, ut exerceatur incompossibilitas inter illa; ut patet in exemplo supra adducto de accidente spirituali, cui quamvis repugnet subjecti in re corporea permanenter, potest tamen transeunter in ea recipi.

## §. V.

## Solvuntur objectiones.

187. Objicies primò: Quod actualiter possidetur, nequit simul habitualiter sperari, nam ut dicitur ad Rom. 8. *Quod videt quis, quid sperat?* Ergo similiiter quod actualiter scitur, scientia evidenti, nequit habitualiter credi.

188. Respondeo distingendo Antecedens: Quod actualiter possidetur, & permanenter, nequit simul habitualiter sperari, concedo Antecedens: Quod actualiter possidetur, at non permanenter, sed tantum transeunter, nequit simul habitualiter sperari, nego Antecedens. Qui enim solum per modum transeuntis aliquid possidet, potest simul habitualiter sperare, ipsum possidere per modum permanentis: unde quia visio beatifica fuit in raptu collata D. Paulo solum per modum transeuntis, sperare potuit ipsam permanenter & habitualiter possidere, eoque modo quo beati illa fruuntur in patria. Similiter distingo Consequens: Ergo quod actualiter scitur, scientia evidenti, & permanenter, nequit habitualiter credi, concedo. Quod actu scitur, scientia evidenti, sed solum transeunter, nego. Ut enim supra dicemus, si daretur aliqua demonstratio, quæ non permanenter, sed solum transeunter intellectum afficeret, non excluderet habitus fidei, sicut visio clara divina essentia D. Paulo in raptu communicata, illum non expulit, quia non permanenter, sed solum per modum transeuntis, fuit collata.

189. Objicies secundò: Mox ut aliquis videt Romanum, perdit fidem humanam quam habebat de ejus existentia: Ergo pariter statimque D. Paulus in raptu clarè vidit divinam essentiam, habitus fidei infusa amisit.

190. Respondeo concessio Antecedente, negando consequentiam, & paritatem: Ratio autem discriminis est, quia visio Romæ producit speciem, quæ evidenter eam representat, & quæ post viam Romam remanet in memoria; at verò cum D. Paulus non viderit divinam essentiam per speciem creatam, sed per ipsammet Dei essentiam, vices speciei gerentem, ut docet D. Thomas infra quest. 175. art. 4. non manabit ejus memoria species, per quam haberet notitiam evidenter de rebus visis in verbo; sed solum remansit resplendentia quedam luminis gloriae, & ad summum species ipsius visionis creatæ, quæ cum non formasset verbum creatum, non representabat Deum in se clarè, subindeque habitus fidei non excludebat. Ex quo intelliges, quod si Deus, de po-

Tom. IV.

A tentia extraordinaria, impediret ne visio Romæ speciem sui representativam in sensibus internis produceret, vel faceret quod talis species in memoria non remaneret, talis visio habitum fidei humanæ de existentia Romæ non expelleret, sed cum eo in tali casu stare posset.

Objicies tertio: Ut duo extrema sint incompossibilita in eodem subiecto, sufficit quod inter illa sit oppositio indirecta: Sed actus scientie indirecte saltem & mediæ opponitur habitui fidei: Ergo cum illo est incompossibilis in eodem subiecto. Minor constat: Major verò dupli exemplo suadetur. In primis enim actus peccati mortalis non opponitur directe, sive immediatè, habitui charitatis, sed indirecte tantum & mediæ, cùm nullus actus directe contrarietur habitui; & tamen per quemlibet actum peccati mortalis habitus charitatis destruitur. Secundò, actus scientie non opponitur habitui opinionis, nisi indirecte & mediæ, & tamen quilibet actus scientie habitum opinativum expellit, & cum eo est incompossibilis in eodem intellectu: Ergo ut duo extrema sint incompossibilita in eodem subiecto, sufficit quod indirecte & mediæ opponantur inter se.

Respondeo negando Majorem. Et ad primatum ejus probationem dico, quod gratia & charitas unico actu peccati expellantur, non provenire ex eo quod actus semper destruet habitum oppositionis, sed quia peccatum mortale impedit influxum causæ, gratiam & charitatem habitualem conservantis; quatenus homo per peccatum averitur a Deo, & sic ponit obicem conservationi gratiae; sicut qui claudit fenestram, ponit impedimentum illuminationi Solis: unde gratia & charitas non destruuntur per formalem oppositionem actu peccaminosus, sed per appositionem impedimenti. Ad secundam probationem dicendum est, quod actus scientie non habet destruere, seu expellere habitum opinionis, ex eo quod ipsi indirecte opponitur, sed quia quilibet actus scientificus, & qualibet demonstratio producit habitus scientie, qui formaliter & directe contrariatus habitui opinionis, subindeque eum expellit, licet maximè radicatum in subiecto: unde si daretur aliqua demonstratio ita debilis & imperfecta, quod non generaret habitus scientie, vel si Deus, de potentia absoluta, impedit ne habitus scientie ex actu scientifico & demonstrativo resultaret, talis actus habitum opinionis non excluderet. Cum ergo nos supponamus, quod Deus miraculosè impedit, sicut impedit potest, quod actus scientie evidenter, quem homo elicit circa aliquid objectum fidei, non producat habitus scientificum, sicut impedit in raptu D. Pauli ne actu visionis divina essentia causaret in eo visionem habitualem; manifestum est, quod

C saltem de absoluta potentia habitus fidei stare potest in eodem intellectu cum actu scientie evidenter; sicut in raptu Pauli clara Dei visio simul cum habitu fidei in ejus intellectu extitit.

Objicies quartò cum Capreolo: Ablato objecto, necesse est habitus ipsum auferri: Sed per actum scientie evidenter, aut per claram Dei visionem, per modum transeuntis communicatam, auferetur objectum fidei: Ergo & ipse fidei habitus tollitur; subindeque ille cum clara Dei visione, vel cum actu scientie evidenter, incompossibilis est. Major patet, Minor probatur. Sicut coloratum, vel lucidum est objectum visus, ita non visum est objectum fidei, ut docet D. Thomas hic

Ff iij